

重修魯桥镇志

一
函
二
冊

續魯橋鎮城鄉仕宦志

漢第五巡 光武初爲上計掾見邑志

第五倫 官階事業詳前鄉賢志

第五頡 詳前鄉賢志

第五訪 詳前鄉賢志

第五種 詳前鄉賢志

唐李靖 官階事業詳前鄉賢志

李端 字藥王靖兄以靖功襲封永康公見三原志

李克師 靖弟右武衛將軍累立戰功封丹陽郡公贈幽

州都督見唐書

李德謩

靖子嗣靖爵後坐善太子事流嶺南徙吳郡見

三原志

李令問

靖孫玄宗卽位以協贊功遷殿中少監豫誅竇

懷貞封宋國公見唐書

第五琦

字禹珪肅宗朝拜御史勾當江淮租庸使兼諸

道鹽鐵使人不益富而用饒乾元初進同平章

事詳唐書

李彥芳

靖五代孫太和中爲鳳翔司隸參軍上衛公故

物于朝文宗褒之見唐書

宋第五均

官階事業詳前鄉賢志

元李秀

峪口人進義校尉子敬子汴梁氏匠總管子統

承事郎詳三原志

李善繼

承事郎子懋子以奉議大夫知鄜州事詳三原

志

明張珮

宗人府儀賓

趙幹

龍環

爵里未詳俱見嘉靖間法相寺碑陰

楊準

官職未詳見嘉靖間顯聖廟碑陰

張銓

由吏授河南嵩縣君

張邦教

由監生授山西忻州同知

門邦固 歲貢武安州訓導

門邦彥 經歷

門自科 綏德倉大使

門自堂 遷安倉大使

門顯 監生壽光縣主簿

門廷良 兩任河泊官

馬騏 兩任倉巡

馬乘雲 山西平虜衛經歷

周鳴鳳 經歷以上俱見隆慶間西岳廟碑陰

郭守憲 官階事業詳前鄉賢志

張鑑 詳前賢鄉志

王徵 詳前鄉賢志

張炳璿 詳前鄉賢志

王桂 徵從弟曆任山東登萊撫標都司多立戰功

趙思懋 亂馬川操守署靖遠衛守備

清蕭恆 官階事業詳前鄉賢志

王名世 字間有鹽店巷人順治乙酉舉人吳江縣知縣

性廉介

趙九齡 號說山蕭家巷人思齊子順治丙戌舉人歷任

鎮遠河南府推官

張重齡 詳前鄉賢志

薛璧 字公完鎮北街人順治辛卯舉人廣東開平縣

知縣吳逆之變不受僞職 朝廷嘉之

張溶 號念堂九成子康熙己未進士江南常熟縣知

縣博洽好文有虞山人文善教編等刻

王琮 號靜菴名世子康熙壬戌進士歷任四川汶川

梓潼縣知縣以安靜自守時稱王老實云

張鼎梅 詳前鄉賢志

王承烈 詳前鄉賢志

劉士玖 號懷西康熙庚午舉人直隸鷄澤縣知縣

趙選錢

字萬清濬孫以貢士授狄道縣教諭

王錫綬

詳前鄉賢志

王穆

詳前鄉賢志

李懷峨

字屺瞻鎮西巷人乾隆壬戌進士延安府教授

嗜學工文

謝王錫

乾隆丙子舉人華亭縣教諭湖北應山縣知縣

王稭

字侍籍錫綬子博文工詩由太學授雲南霑益

尉調姚州遷東川府經歷有能聲著滇游詩草

歸來艸等集

薛玠

乾隆丙子舉人山陽縣教諭

張希郿

字問渠杜公巷人乾隆丁酉舉人甘肅燉煌縣訓導

王僧額

號西峯稴子乾隆庚子舉人歷任直隸樂亭福建海澄龍溪縣知縣攝漳州府同知捕盜安民直幹有聲著詩文等集

馬班

字二史北街人乾隆庚子歲貢岐山縣訓導齒德俱優謙恭下士卒年九十四

權文澎

南權堡人乾隆己酉舉人甘肅肅州學正

張瓊

李家莊人乾隆乙卯舉人四川金堂縣教諭

楊培基

嘉慶己卯恩科進士授山陰縣知縣

以上仕宦援舊志

劉維禧

字吉人道光丙申進士湖北黃岡知縣

李學源

字鏡湖咸豐

科舉人官同州府訓導壬戌

以守城功升府教授在任候選知縣加同知銜
注述甚富邑孟店里惜字邨人入三原籍子聯
齡

張賡泰

字揚庭咸豐戊午舉人延長縣訓導同治壬戌
之變公服坐明倫堂賊不忍殺升延安府教授

周瀛

咸豐

舉人攷宗室教習

李棠

字蔭南咸豐乙卯舉人官淳化縣教諭子鵷林

王肇功

由大學生援例報縣丞補甘肅漳縣分縣署理

縣知縣有政聲

王薰

附生由軍功授湖北東湖縣巡檢

劉燕翼

歲貢署理蒲城縣訓導

馮庚

字少白光緒己卯優貢由教習教職二次期滿

奏保候選缺後以知縣歸教習班先在任候選

歷署西鄉縣教諭潼關廳訓導選授蒲城縣訓

導兼教諭事特選四川永甯縣知縣調署西充

縣事改革後杜門謝客溷跡子嘗爲文以贊之

載藝文志

李聃齡

字根生光緒乙酉舉人官潼關廳訓導鏡湖次

子

茹欲可

字淮西光緒

進士廣東卽用知縣邑游福

地人移居魯橋入三原籍玉卿子玉卿名琬有
潛德作善不欲人知嘗與其妻盧安人交相勉
勵年四十餘連舉五子長卽欲可次欲立有氣
概嘗以國事自任欲進欲函欲成皆俊才

趙應激

字清甫三原附生湖北試用縣丞改省新疆借

補葉縣典史

張煒

字少峯由附生報捐府經分發甘肅後補

潘鍾祥

字吉臣由監生四川大邑縣典史

毛毓潤

宣統二年由附貢遵秦晉賑捐報捐主事籤分

法部

郭思銳

原名恕字少田由歲貢就職本省試用縣丞詳

五貢表

附館學生

張鼎望

字荆觀重齡子監生博貫古今著述甚富康熙

間學憲逢公泰贈曰南山豹隱王公謨又贈曰

著述名山雍正癸丑當道舉博學宏詞卒辭不

赴

武科武職卷八

無科名爵名事業者不備載舊志無

張炳璣

貞惠公姪鎔子明平涼府都司

頡鵬飛

字海天本姓張爲水部恭簡公七世孫以母故

依養頡氏遂姓頡入三原籍光緒己卯武舉庚

辰進士點藍翎侍衛官安徽廣德營都司升游

擊擢參軍署理安徽皖北總鎮

謝鵬煑

字圖南原名澧光緒乙亥武舉授兵部差官滋

弟

謝滋

字樹之六品軍功光緒間嘗爲鎮紳鵬煑兄

韓俊奇

字傑臣三原人寄居魯鎮乙亥武舉授兵部差

官辭不赴任事母至孝年四十猶存孺慕 林

學憲旌表鵬煇師又同年

按吾鄉館學生如山西忻州張邦教山東壽光縣主簿門顯皆不詳事實而惟清之張水部政績卓著故獨收之至武職舊志不載茲就近時所推數人錄之或行篤孝悌或績著里閭或名顯科甲亦聊以勵譚武云

選舉志卷九

歷科進士

明王 徵 天啟壬戌三百六十五名

清蕭 恒 順治壬辰二百三十二名

趙 溶 康熙己未一百三十二名 思齊孫九成子

王 琮 康熙壬戌一百六十名 名世子

張鼎梅 康熙丁丑六十三名 炳璿孫重齡子

王承烈 康熙己丑二百四十四名 徽曾孫

李懷峨 乾隆壬戌二百二十八名

楊丕基 嘉慶己卯二百二十名

以上進士援舊志

劉維禧

道光丙申

百

十

名

茹欲可

光緒

百

十

名

王

道光

百

十

名

王

道光

百

十

名

王

道光

百

十

名

王

道光

百

十

名

王

道光

百

十

名

王

道光

百

十

名